



Na próxima xeira faremos un percorrido pola Vila de Allariz e bisbarra, onde coñeceremos a súa historia, que é parte da nosa; algún gobernante, no pasado, dixo que era a “chave do Reino de Galicia”. Lugares, persoeiros e símbolos tan significativos como o “Castelo invisible” (cos seus treitos murallados), o Convento das Clarisas, ou a estatua do Boi con todas as súas circunstancias pasadas e presentes que vinculan os seus moradores con este animal. O lobishome, preso e xulgado nesta vila, aínda que as súas malfeitorías e falcatruadas sucedesen tamén noutros lugares, etc.

Na contorna de Santa Mariña de Augas Santas atopamos varios monumentos de grande interese relacionados coa lenda da santa: un castro prerromano e un carreiro cunha paisaxe e natureza espectaculares, unha calzada romana moi transitada na Idade Media, unha importante cidade romana (S. I e II despois de Cristo) onde viviu Mariña, unha sauna prerromana e o forno, cuberto posteriormente por unha basílica templaria, no que segundo esa lenda sobreviviu a todas as torturas sen ceder aos desexos de Olibrio, alto cargo romano, ata que foi decapitada, converténdose nunha fonte santa en cada punto no que botou a cabeza.

A primeira construción data da época Constantiniana. Posteriormente, nos albores da Reconquista, levantouse unha igrexa de maiores dimensións que a anterior. Finalmente, foron os Cónegos de San Agustín quen comezaron a construción do actual Santuario, aínda que non remataron a súa obra. Considérase que a igrexa foi construída entre finais do S. XII e comezos do S. XIII, con arranxo ao estilo cisterciense, e moi influenciada pola próxima Igrexa de Xunqueira de Ambía.

O rematar a visita pasearemos por unha carballeira senlleira ata as escavacións arqueolóxicas da “Cibdá de Armea” e o conxunto rupestre do Monte Señorío, castro prerromano.

San Salvador de Penedos (aldea e xacemento arqueolóxico)

San Salvador é un núcleo moi singular situado no corazón da Reserva da Biosfera ourensá, que conta cun gran valor paisaxístico e tamén patrimonial xa que, na súa ermida, se atopa a talla dun Cristo románico crucificado de extraordinario valor.

É, tamén, un elemento arqueolóxico de grande interese. Consérvanse os restos dun castelo medieval practicamente descoñecido. Froito do traballo realizado na contorna, pódense ver dúas zonas diferenciadas: unha plataforma inferior, con dúas tumbas escavadas na roca e unha serie de rebaixes na mesma; e unha plataforma superior onde se localizan os restos do castelo propiamente dito.

En documentos do 1247 aparece referenciado SactiSalvatoris de Todea nos límites da parroquia de Santiago de Allariz. Este documento non nos fala do castelo pero apúntanos directamente ao nome desa zona como “San Salvador de Tudea”. O Castelo de San Salvador de Todea sería un castelo pequeno, duns 700 ou 800 metros cadrados cunha estrutura amurallada, nun promontorio bastante abrupto entre dous ríos de difícil acceso.

Visita ó centro da asociación para a defensa, recuperación e estudo terapéutico da especie asnal. Este centro está situado en pleno cerne da Reserva da Biosfera Alaricana.

É un espazo multidisciplinar, que promove o desenvolvemento de actividades económicas como o pastoreo e a gandería ecolóxica, a produción artesanal, así como a posibilidade de crear un espazo de visita con diferentes servizos para colectivos. Este centro está situado no Pobo de San Salvador, cunha arquitectura rural de gran beleza e unha restauración respectuosa co medio e o seu pasado.

CARACTERÍSTICAS DA XEIRA

DATA: 11 de Maio do 2019

GUÍA PRINCIPAL: Manuel GallegoAlves(Licenciado en Historia daArte y Técnico de Turismo/Xeitura)

HORARIO APROXIMADO

Escrito por IEM -Sec
Sábado, 06 Abril 2019 13:09

SAÍDA DO AUTOCAR Sábado: 8:00 de Gondomar, dende a explanada do Pavillón de deportes. **ÂÂÂÂ**

CHEGADA: Aproximadamente ás 21.00, ó mesmo lugar de partida. **ÂÂÂÂ**

Para anotarse á Xeira haberá que chamar ao IEM ao teléfono 986 360575/627 276816, de luns a venres de 18.00 a 21.00, ou escribir un correo electrónico a **ÂÂÂÂ** oficina@iem.gal .

Prazas mínimas :35

Data límite para inscribirse: 26 de Abril

As baixas que se realicen con menos de 48 horas antes do comezo da xeira non se aboará o importe da mesma.

- PREZO SOCIOS/AS: 45 EUROS **ÂÂÂÂ**
- PREZO NON SOCIOS/AS: 50 EUROS **ÂÂÂÂ**
- Nº DE CONTA IEM: ES95 2080 5035 0730 4001 4164 **ÂÂÂÂ**

O prezo inclúe a viaxe en autobús de 56 prazas, o seguro, xantar, as visitas e o guías. **ÂÂÂÂ**

XXI XEIRA ALÉN MIÑOR ALLARIZ (11 MAIO 2019)

Escrito por IEM -Sec
Sábado, 06 Abril 2019 13:09
